

АКАФИСТ ПРЕСВЯТОЙ БОГОРОДИЦЕ ПЕРЕД ЕЯ ИКОНОЮ «ФЕОДОРОВСКАЯ»

Кондак 1

Взбранней Воеводе, Пренепорочней Деве Богородице, Заступнице нашей и Представительству христиан непостыдному, явлением чудных иконы Своея радование подавшей земле Российской и вся верная чада Церкви просветившей, благодарение усердно приносим Ти, Богородице, и припадающе пречудному образу Твоему, умильно глаголем: спаси, Госпоже, и помилуй рабы Твоя, зовущия: Радуйся, Матерь Божия, Предстательнице и Заступнице наша усердная.

Икос 1

Архангел Гавриил от Бога послан бысть во град Назарет ко Пречистой Деве Марии, и вшед к Ней рече: Радуйся, Благодатная, Господь с Тобою, благословенна Ты в женах. Архангельскому гласу подражающе, и мы, грешнии, радости и благодарения в сердце своем исполнени, пред явленным образом Твоим благохваления наша возносити к Тебе дерзаем, Пресвятая Богородице: Радуйся, отрасли от корене Давидова благословенная; радуйся, обетом родителей в жертву Богу принесенная. Радуйся, святых праведных Иоакима и Анны Дщи Богородица; радуйся, триех лет во храм Божий введенная и тамо воспитанная. Радуйся, тамо смирением и чистотою всех удивившая; радуйся, тамо архангельския беседы сподобльшаяся. Радуйся, Деве, о зачатии Бога Слова благовестие во смирении приимшая; радуйся, избранная Отроковице, к зачатию Бога Слова силою свыше осененная. Радуйся, тайну воплощения Сына Божия, от веков в Бозе сокровенную, открывшая; радуйся, Агнице, рождающая Агнца Христа, вземшаго грехи мира. Радуйся, Тобою бо избавляемся мук адовых; радуйся, Тобою бо сподобляемся вечныя жизни. Радуйся, Мати Божия, Предстательнице и Заступнице наша усердная.

Кондак 2

Видя икону Твою, Пресвятая Деве, на древе стоящу, князь благочестивый Костромский ужасом многим содрогашеся недоумя, что бысть видение сие. Хотящу же ему прияти ю и от сего свыше удержану ему бывшу, не можаше; уведев, яко чудно есть иконы той явление, воззва к Богу: Аллилуиа.

Икос 2

Разумом желая разумети князь благочестивый пришествие пречуднаго Твоего образа во град Кострому, Богородице, душею радования преисполненною себе предаде водительству Божию, и преклонь колена, со страхом вопияше Тебе:

Ра́дуйся, Де́во, я́вля́ющая о́браз Свой чу́дно; ра́дуйся, Благослове́нная, в явле́нии о́браза Своего́ милосе́рдие нам явля́ющая.

Ра́дуйся, о всех чту́щих Сы́на Твоего́ промы́ляющая; ра́дуйся, всем прося́щим у Тебе́ да́ры, в ме́ру ве́ры, ко спасе́нию подаю́щая.

Ра́дуйся, путь и́стины заблудши́м показу́ющая; ра́дуйся, к го́рнему ми́ру чудесы́ Твои́ми ум наш возводи́ющая.

Ра́дуйся, смуще́ния помышле́ний сумни́тельных удаля́ющая; ра́дуйся, сла́вящих Тя всегда́ прославля́ющая.

Ра́дуйся, чистото́ю Твое́ю чистоте́ нас науча́ющая; ра́дуйся, чистото́ю Твое́ю нечистоту́ на́шу облича́ющая.

Ра́дуйся, моле́ния на́ша прие́млющая; ра́дуйся, рыда́ний и слез не отме́тающая.

Ра́дуйся, Ма́ти Бо́жия, Предста́ельнице и Засту́пнице на́ша усе́рдная.

Кондак 3

Си́лу Бо́жию благоче́стивый князь позна́в в восхожде́нии о́браза чу́дного Твоего́, Богома́ти, в явле́нии же ви́дев милосе́рдие Твое́ ко всем спасе́ние хотя́щим получи́ти, рече́: Аллилу́иа.

Икос 3

Име́в помы́сл стяжа́ти да́руемое Небе́сное сокрови́ще, лик Твой све́тлый, Богома́ти, второ́е простре́ держа́вный руку́ к о́бразу нисше́дшему; узре́в же па́ки его́ восхожде́ние, ско́ро по́йде во град и пове́да о бывши́х ему́ освяще́нному собо́ру, да прише́дше и ви́дяще ико́ны Твоея́ явле́ние возопи́ют с ним ве́рнии:

Ра́дуйся, Цари́це Небесе́ и земли́; ра́дуйся, Престо́ле Царя́ ца́рствующих.

Ра́дуйся, Пренепоро́чная Де́во; ра́дуйся, Ма́ти Непристу́пнаго Све́та.

Ра́дуйся, честне́йшая Херуви́м; ра́дуйся, сла́внейшая без сравне́ния Серафи́м.

Ра́дуйся, Небе́сными Си́лами велича́емая; ра́дуйся, от всех земноро́дных ублажа́емая.

Ра́дуйся, неизрече́нное Весели́е А́нгелов; ра́дуйся, Ве́нче ца́рственный всех про́роков и апо́столов.

Ра́дуйся, правосла́вия Христо́вы Це́ркве огражде́ние; ра́дуйся, всех суему́дрых уче́ний и ересей́ низложе́ние.

Ра́дуйся, Ма́ти Бо́жия, Предста́ельнице и Засту́пнице на́ша усе́рдная.

Кондак 4

Бу́рю внутре́ имее́я помышле́ний недоуме́нных, освяще́нный собо́р со псалмы́ и пе́снями духо́вными а́бие притече́ ви́дети о́браз Твой, Неискусобра́чная. Узре́в же его́ на дре́ве дивно́ стоя́ща и благоле́пно красото́ю сия́ющая, рече́: Аллилу́иа.

Икос 4

Слышаша людие честныя иконы Твоя, Богоотроковице, пришествие и, ко оной текше, поклоняхуся, аки Самей Тебе сущей, и со умилением и слезами вопияху к Тебе:

Радуйся, Дево, Благословенная в женах, во чреве Твоем Носителя всяческих носившая; радуйся, рождением Сына Твоего спасение миру всему явльшая.

Радуйся, человеки с Богом соединившая; радуйся, превышшая небес, избавльшая нас от клятвы.

Радуйся, нас к вечной жизни руководящая; радуйся, Владычице мира.

Радуйся, Божие к смертным благоволение; радуйся, смертных к Богу дерзновение.

Радуйся, благих во благодати соблюдающая; радуйся, лукавых на путь благий обращающая.

Радуйся, под сень крова Твоего прибегающих милующая; радуйся, уповающих на Тя вся потребная к животу и благочестию дарующая.

Радуйся, Мати Божия, Предстательнице и Заступнице наша усердная.

Кондак 5

Яко боготечную звезду узреша людие икону Твою, Безневестная Дево, и, яко многосветлый светильник, поставиша ю во святем соборнем храме, радующеся и вопиюще Богу: Аллилуиа.

Икос 5

Видевше жители града Городца образ Твой, Владычице, во храме града Костромы стоящий, и на руку Твоею держима Богомладенца Иисуса, скорбию одержима беша, зане отшествие его бысть из града их. Мы же, обрадовани благоволением Твоим ко граду нашему, приносим Ти дары, и, с любовью лобызаяще Твой святой образ, вопием Ти:

Радуйся, Звездó, Солнце правды нам явльшая; радуйся, возлюбившая сию страну.

Радуйся, обретение Тебе ищущих; радуйся, радостью неизреченною верных сердца исполняющая.

Радуйся, сокровище благодати неистощимое; радуйся, милости приснотекущий источник.

Радуйся, от тяжких бед спасающая; радуйся, от смертносных язвы избавляющая.

Радуйся, всего мира Ходатаице; радуйся, всех недугов Целительнице.

Радуйся, Красото несравненная; радуйся, Добро́то несказанная.

Радуйся, Мати Божия, Предстательнице и Заступнице наша усердная.

Кондак 6

Проповѣдницы богонóснии бѣша видевшии образ Твой, Богородице. Возвраща́ся бо кійждо во страну́ свою, возвещаше о пришѣствии егó и чудесѣх от негó бываемых, воспева́я Бо́гу: Аллилу́иа.

Икос 6

Возсиявши благодать от чуднаго образа Твоегó, Чистая, веру немощствующим утверди́, верных же возвесели́ сердца любовью. Сего́ ради раду́ющесе вопи́ем Ти:

Ра́дуйся, Пресвятая́ Дѣво, свѣтом Небесныя истины нас озаряющая; ра́дуйся, мглу грехóвную от нас отгоняющая.

Ра́дуйся, чудесы́ Твоими к боговѣдению нас приводящая; ра́дуйся, всех ка́ющихся грѣшников ко благочестию подвизающая.

Ра́дуйся, всех притека́ющих к Тебѣ крѣпкое заступлѣние; ра́дуйся, немощствующим умом утверждѣние.

Ра́дуйся, изнемога́ющих в верѣ возставляющая; ра́дуйся, тихое пристанище в мóре житѣйшем обуреваемым.

Ра́дуйся, злыя совѣты сыно́в погѣбельных открывающая; ра́дуйся, вознесѣнную гордыню врагóв отечества на́шего смиряющая.

Ра́дуйся, православных царѣй Державо; ра́дуйся, всех христиа́н Похвало́.

Ра́дуйся, Мати́ Бо́жия, Предстательнице и Заступнице на́ша усердная.

Кондак 7

Хотя́ прославити Сын Твой, Богородице, святу́ю икону́ Твою́ во граде Костромѣ, повелѣ́ ю в день Успѣния Твоегó святому великомученику Феóдору Стратилату носíti по граду́ сему́, да вси, видяще чúdo сие, благодарным сѣрдцем возопи́ют Емú: Аллилу́иа.

Икос 7

Чúdo нóвое яви́ нам Господь мольба́ми Твоими, Богородице, егда́ сгорѣвшу храму, в немже бе поставлен святы́й образ Твой, сохрани́ егó в пѣпле невредима от огня, и тако́ мнѣвших сгорѣвша егó печаль в радость преложí. Мы же, чúdo сие ведяще, воспеваем Ти такова́я:

Ра́дуйся, Купино́ Неопалимая; ра́дуйся, о́гненный сто́лпе, сущия во тьме наставляяй.

Ра́дуйся, Кивóте, Духом позлащѣнный, Невместимаго Бо́га вместивший; ра́дуйся, кади́льнице златая, яко́ фимиам благоуханный, моли́твы Твоя́ за ны к Бо́гу Сы́ну прѣсно возносящая.

Ра́дуйся, Жѣзле Аарóнов, к явлѣнию в мѣре Сы́на Твоегó прозябший; ра́дуйся, Рунó Гедео́ново, благодатию Бо́жиею во спасѣние на́ше орошенное.

Рáдуйся, Горó несекóмая, от Неяже отсечéся краеугóльный кáмень Христóс; рá-
дуйся, Храме одушевлéнный, в Нёмже вселíся Божество телéсне.
Рáдуйся, дéвства охранéние; рáдуйся, супрúжества благословéние.
Рáдуйся, пáче всех Гóспода возлюбíвшая; рáдуйся, пáче всех от Него́ превозне-
сéнная.
Рáдуйся, Мáти Бóжия, Предстáтельница и Застúпнице нáша усéрдная.

Кондак 8

Стрáнное чúдо вíдевшие, на воздúсе икóну Богомáтери стоя́щу, áки рука́ми
áнгельскими держíму, егда́ вторóе сгорé храм, в нёмже стоя́ явлéнная сия́ икóна,
отвэ́ржемся, лю́дие, мíра сегó, ум на Небесá прелóжше; сегó бо рáди и дадeся
нам чúдная икóна Богорóдицы, да, взира́юще на ню, Гóрняя мúдрствуем, а не
земнáя, вопи́юще к Бóгу: Аллилу́иа.

Икос 8

В вéшних пребывáющи селéниих, и нíжних не разлучíлася есí, Богорó-
дице, чудесы́ Твоими́ всех просвещáющи приходя́щих к Тебé с вéрою, сегó рáди
и слы́шиши от нас сия́:
Рáдуйся, Мáти Христа́ Бóга нáшего, на Небесí пребывáющая; рáдуйся, на землí
нас не оставлáющая.
Рáдуйся, рáди велíчества Твоегó на Небесí Áнгелы́ окру́женная; рáдуйся, рáди
слáвы Твоея́ на землí от человек прославлáемая.
Рáдуйся, Тебé бо слúжат вся́ Небесны́я Сíлы; рáдуйся, Тебé бо, по Бóзе, хвалéние
возно́сят Херувíми и Серафíми.
Рáдуйся, лицé Бóжие вíну на Небесí созерца́ющая; рáдуйся, пред престóлом Сý-
на Твоегó Мáтернии рúце Тво́й, за ны моля́щаяся, простира́ющая.
Рáдуйся, нас, сýщих на землí, от вся́каго зла омофóром Твоим покрывáющая;
рáдуйся, вёрных от вся́ких душепáгубных дел удаля́ющая.
Рáдуйся, рождéнием Сýна Бóжия двэ́ри Цáрства Христóва нам отвэ́рзшая; рáдуй-
ся, надéждою прíятия Небесных благ вёрных дúши услажда́ющая.
Рáдуйся, Мáти Бóжия, Предстáтельница и Застúпнице нáша усéрдная.

Кондак 9

Вся́кое естество́ áнгельское превозно́сит Тя, Дéво, велíкия рáди любвé
Твоея́ к роду христиáнскому; незрíма бо и непристúпна, я́ко Мáти Бóга от землí
к Небесí возше́дшая, пречíстым Твоим óбразом зрíму и пристúпну Себé
явля́еши всем воспевáющим Сýну Твоему́: Аллилу́иа.

Икос 9

Витія многовещанныя, яко рыбы безгласны, зрим о Тебѣ, Богородице, недоумѣют бо глаголати о славных чудесѣх, от явленныя Твоея иконы бываемых. Мы же оным дивящися благодарно вопиѣм Ти:

Радуйся, слепых прозрѣние; радуйся, хромых хождение.

Радуйся, от темных и лукавых духов исцеляющая; радуйся, лучами от Твоего пречистаго образа изшедшими врагов земли нашея отгнавшая.

Радуйся, больным видение Твое даровавшая; радуйся, молящимся явленной иконе Твоей исцеление подающая.

Радуйся, ослабленных от одра болезни воздвигающая; радуйся, немым разрешающая уста.

Радуйся, от плена вражия возвращающая; радуйся, лютыя плоти страсти утворяющая.

Радуйся, души верных неизреченным милосердием Твоим умиляющая; радуйся, неизглаголаным Твоим человеколюбием унывающих ободряющая.

Радуйся, Мати Божия, Предстательнице и Заступнице наша усердная.

Кондак 10

Соблюсти хотящи в чистоте домостроительство Церкви Православныя, Чистая, и, утвердiti скипетр державы Россійския, чудною иконою Твоею вложила еси в сердце благовернаго государя Михайла Феодоровича прияти венец царский земли Россійския, да вси видящии видят, яко Вышний владеет царством, и емуже хощет дает е, и возопиют Ему: Аллилуиа.

Икос 10

Стена еси неборимая, Богородице Дево, всем к Тебѣ прибегающим: никтоже бо притекаяй к Тебѣ тощ отходит. Сего ради ущедряеми милостию Твоею, во умилении души возглашаем Тебѣ:

Радуйся, твердая Стено, от враг видимых и невидимых охраняющая; радуйся, крепкая Защито упование на Тя возложившим.

Радуйся, познания истины чистое Зерцало; радуйся, сохранения веры крепкое Забрало.

Радуйся, грады и страны христианския предстательством Твоим от врагов спасающая; радуйся, царем благоверным поборяющая.

Радуйся, мир во градах селяющая; радуйся, благонравным благопоспешающая.

Радуйся, силою молитв Твоих злыя помыслы в ничтоже обращающая; радуйся, силы врагов ближняго сокрушающая.

Радуйся, юности наставление; радуйся старости поддержание.

Радуйся Мати Божия, Предстательнице и Заступнице наша усердная.

Кондак 11

Пѣние всякое побеждается спрострѣтися тшачеесе множеству многих щедрот Твоих; равночисленные бо песку морскому песни аще приносим Ти, Богородице Дѣво, ничтоже совершаем достойно, яже даровала еси нам, вопиющим к Богу: Аллилуиа.

Икос 11

Светопріемную свещу, древле явльшуюся, зрим во святѣй иконѣ Твоей, Богородице Дѣво, егда град наш защитила еси от разорения врагов земли нашея лучами, от святыя Твоея иконы исходящими. Сего ради с верою припадающе к ней и с любовью лобызаяюще ю, вопием Ти:

Радуйся, Мати Превѣчнаго Свѣта Христа, учением Его души просвещающая; радуйся, благодатию Божию неверующих к вере в Бога приводящая.

Радуйся, путешествующим спутешествующая; радуйся, нуждно плавающих Кормчая.

Радуйся, от всякия скорби, гнева и нужды спасающая; радуйся, от глада, губительства, труса и огня сохраняющая.

Радуйся, избавляющая от иноплемѣнных; радуйся, охраняющая от междоусобных брани.

Радуйся, во святѣй иконѣ Твоей, яко солнце, в Костромских предѣлах возсиявшая; радуйся, zde отрасль царственную возвеличившая.

Радуйся, Тобою бо утверждаются царства; радуйся, Тобою бо венчаются цари.

Радуйся, Мати Божия, Предстательнице и Заступнице наша усердная.

Кондак 12

Благодать пріявшая от Бога Сына Твоего, Дѣво Богородице, и ту древле излившая на всех прибегающих к образу Твоему, не лишій ныне и нас богатая Твоея милости, даруй нам покаяние о гресех, да чистым сердцем и устны взываем к возлюбленному Сыну Твоему и Богу нашему: Аллилуиа.

Икос 12

Поюще Твоея милости и чудеса, хвалим Тя вси, Богородице, и, яко древлей Израиль к кивоту Завета, притекаем ко образу лица Твоего, и из глубины души вопием: воздвигни рuce Твоя к Сыну Твоему, да подаст нам вся благая и спасительная с верою и любовью вопиющим Ти:

Радуйся, Утешение наше в скорбех; радуйся, Утоление печалей наших.

Радуйся, Радосте наша безконечная; радуйся, Светлосте и Отрадо сердечная.

Радуйся, Надеждо наша крепкая; радуйся, сирым Приятелище.

Радуйся, странным Прибежище; радуйся, обидимым Покровительнице.

Радуйся, оклеветаемых Оправдание; радуйся, благих Защищение.

Радуйся, тела моего Врачевание; радуйся, души моея Спасение.

Радуйся, Мати Божия, Предстательнице и Заступнице наша усердная.

Кондак 13

О, Премилосёрдая Заступнице наша, великия ради милости Твоея даровавшая отечеству и граду нашему чудотворную икону Твою во освящение, утешение и ограждение наше, ныне приеми славословие, от всякаго злаго обстояния избави рабы Твоя. Скипетр благовернаго Императора нашего утверди, даруй ему здравие и спасение, на враги победу и одоление и всех нас вечных мук свободи, устнами, душею же и сердцем вопиющих: Аллилуиа.

*Этот кондак читается трижды, затѣм 1-й икос; «Архангел Гавриил...»
и 1-й кондак: «Взбранней Воеводе...»*

Молитва первая

О, Премилосёрдая Госпоже, Царице, Богородице, приими смиренное молѣние наше, и не отрини нас, Заступление и Прибежище наше, и не возгнушайся нас, недостойных, но, яко Милосёрдая, не престани молящи, Егоче родила еси, да дарует нам прощение многих согрешений наших, да спасет нас, имиже весть судьбами. Помилуй нас, Владычице, помилуй нас, несть бо нам спасение от дел. Темже верно вопиём Ти: помилуй рабы Твоя и неплодное сердце наше покажи плодотворно благих дел. Призри на нас, недостойных, Ты бо упование и покров наш, жизнь и свет сердцу нашему. Яко Невечерний Свет от чрева Твоего воздвигшая, озари душу нашу, Чистая, и отжени всяку мглу сердца нашего. Даруй нам умиление, покаяние и сокрушение сердечное. Сподоби нас по вся дни живота нашего творити волю Сына Твоего и Бога нашего и во всем благоугождати Ему Единому. О, Богомати, не престани молящи Родшагося от Тебе за вся, притекающия с верою к сему чудотворному образу Твоему, и подавай им скорую помощь и утешение в скорбех и напастех и злостраданиях, избави их от клеветы и злобы человеческия, от враг видимых и невидимых и всякия нужды и печали. Спаси отечество наше, град сей и вся грады и страны от всяких бед и нужд и сотвори милостива нам быти Бога нашего, отврати всякий гнев Его, на ны движимый, и избави ны от належащаго и праведнаго Его прещения. О, Боголюбивая Владычице, Ангелов украшение, мучеников славо и всех святых радости, с ними моли Господа, да сподобит нас в покаянии скончати живота нашего течение. В смерти же час, Пресвятая Дево, избави нас от власти бесовския и осуждения, и ответа, и страшнаго испытания, и мытарств горьких, и огня вечнаго, да, сподобльшися славнаго Царствия Божия, величаем Тя и славим воплощагося от Тебе Христа, Бога нашего, Емуже слава со Отцем и Святым Духом, ныне, и присно, и во веки веков. Аминь.

Молитва вторая

О, Пресвятая Владычице Богородице и Приснодево Марие, единая Надежда нам, грешным, к Тебе прибегаем и Тебе молим, яко велие имаши дерзновение пред рождшимся от Тебе по плоти Господом Богом и Спасителем нашим Иисусом Христом. Не презри слез наших, не возгнушайся воздыханий наших, не отрини скорби нашей, не посрами упования нашего на Тя, но Матерними молении Твоими умоли Господа Бога, да сподобит нас грешных и недостойных свободитися от грехов и страстей душевных и телесных, умерети миру и жити Ему Единому во вся дни живота нашего.

О, Пресвятая Владычице Богородице, путешествующим спутешествуй и ограждай и охраняй оныя, избави плененных от пленения, свободи страждущих от бед, утеши сущих в печали, скорбех и напастех, облегчи нищету и всяко злострадание телесное и даруй всем вся потребная к животу, благочестию и жизни временней. Спаси, Владычице, вся страны и грады и сию страну и сей град, имже сия чудотворная и святая икона Твоя дадеся во утешение и ограждение, избави я от глада, губительства, труса, потопа, огня, меча, нашествия иноплемennых, междоусобных брани и отврати всякий гнев на ны праведно движимый. Даруй нам время на покаяние и обращение, избави нас от внезапной смерти и во время исхода нашего предстани нам явльшися, Дево Богородице, и избави нас от воздушных мытарств князей века сего, сподоби на Страшнем Судищи Христовем стати одесную и соделай нас снаследники вечных благ, да славим во веки великолепое имя Сына Твоего и Бога нашего со Безначальным Его Отцем и Святым и Благим и Животворящим Его Духом, ныне и присно и во веки веков. Аминь.